



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manuscriptis Codicibvs, Qvarvm permultæ antehàc nunquàm
in lucem prodière

Complectens Sanctos Mensivm || Martii Et Aprilis

Surius, Laurentius

Coloniae Agrippinae, 1576-

VD16 S 10259

Pivs Papa V. Dilecto Filio Gervino Calenio, Typographo Colonien.

[urn:nbn:de:hbz:466:1-77384](https://nbn-resolving.org/urn:nbn:de:hbz:466:1-77384)

PIVS PAPA V. DI-
LECTO FILIO GERVINO
CALENIO, TYPOGRAPHO
COLONIEN.



ILECTE Fili Salutem & Apostolicam benedictionem.
Cum tu, sicut accepimus, nonnullos de probatis Sanctorum
historijs à dilecto filio Laurentio Surio optima fide colle-
ctis, necnò alios Tomos seu libros dilecti filij Petri Canisij
presbyteri seu religiosi Societatis IESV, de doctrina siue
Institutione Christiana inscriptos, vnà cum certis Annota-
tionibus, nòdum impressos, tua impensa imprimi facere de-
sideres: Nos tibi, quem in excudendis huiusmodi Tomis seu
libris graues impensas subire necesse est, nè ex beneficio
omnibus Christi fidelibus collato detrinètum aliquod sen-
tias, opportunè providere, ac te in tuo laudabili & Reipub. Christiane perutili proposito

consonare volentes, & à quibusuis Excommunicationis, suspensionis & interdicti, alijsq;
Ecclesiasticis sententijs, censuris & pœnis à iure vel ab homine quauis occasione vel cau-
sa latis, si quibus quomodolibet inmodatus existis, ad effectum presentium dütaxat conse-
quendum, harum serie absoluentes & absolutum fore censentes: Motu proprio nò ad tuam vel
alicuius pro te nobis super hoc oblatæ petitionis instantiam, sed ex certa scientia & mera
deliberatione nostris tibi Tomos seu libros prefatos per te vel alium seu alios imprimendi,
& impressos vendendi licentiam & facultatem plenam & liberam Apostolica authorita-
te per presentes concedimus: Necnon omnibus & singulis impressoribus, librarijs, &
mercatoribus tam in Italia quam extra Italiã constitutis, in virtute sancte & obediencie &
sub Excommunicationis sententiæ, necnon in terris sancte Romanæ Ecclesiæ mediatae vel
immediatae subiectis, sub amissionis Tomorum seu librorum huiusmodi, ac mille ducatorum
auri de Camera, pro vna Camera Apostolica, & altera medietatibus tibi, tuisq; heredibus
& successoribus irremissibiliter loco damnorum applicandorum pœnis, per alios absq; tui &
heredum vel successorum tuorum expresso mandato aut licentia habita excudentes, seu im-
primentes, aut vendentes, toties quoties id fecerint, eo ipso incurrendis, nè eosdem Tomos
seu libros infra decennium proximum futurum ab illorum impressione computandum, in qui-
busuis literarum characteribus, aut parua, mediocri, seu magna, vel alia quacumq; forma
alicubi imprimere, neq; per alios impressos vendere absq; expressa tui vel heredum & suc-
cessorum prefatorum licentia vel consensu audeant vel presumant, & ita per quoscumq; in-
dices & commissarios quauis authoritate fungentes, sublata eis & eorum cuiuslibet quauis
aliter iudicandi, interpretandi facultate & authoritate, iudicari & diffiniri debere: Ac
quicquid secus super his à quoquam quauis authoritate scienter vel ignoranter attentari
contigerit, irritum & inane decernimus: Mandantes nihilominus Motu simili sub inter-
dicti Ecclesiastici & ingressus ecclesiarum Venerabilibus Fratribus nostris Colonienf. &
quorūuis aliorum ciuitatum & locorum Archiepiscopis, Episcopis, ac dilectis filijs illorum
vicarijs seu officialibus, legatis, vel Vicelegatis, ac sub primo dictis pœnis, Gubernatori-
bus, Potestatibus, & alijs quibusuis Iudicibus quibuscūque authoritate & officio fungen-
tibus, quatenus quoties pro parte tua, & successorum tuorum, vel alicuius eorum huiusmodi
fuerint requisiti in premissis, efficacis defensionis presidio assistentes, faciant authoritate
nostra inhibitionem prefatam inuiolabiliter obseruari: ac te, tuosq; heredes & successores
prefatos huiusmodi, illorumq; singulos concessione pacifice frui & gaudere: Ac impresso-

PRIVILEGIUM APOSTOLICVM.

res, librarios, mercatores, fautores, scientes & non reuelantes, quos inhibitioni præfate contravenisse eis constiterit, excommunicationis & alias sententias, censuras & pœnas huiusmodi incurrisse declarent, ac pro talibus publicè nunciari mandent, & faciant contradictores quoslibet & rebelles per easdem censuras & pœnas, appellatione postposita, compescendo: invocato etiam ad hoc, si opus fuerit, auxilio brachij secularis: Non obstantibus Constitutionibus & Ordinationibus Apostolicis, Privilegijs quoque, Indultis, & literis Apostolicis super imprimendorum Tomorum facultate quibusvis personis cuiuscunque dignitatis & præeminentie existentibus etiam motu & scientia similibus, ac sub quibusvis tenoribus & formis, necnon clausulis & decretis concessis: Quibus omnibus etiam si de illis, eorumque totis tenoribus specialis, specifica, expressa, & indiuidua: non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc seruanda foret, illorum tenores, ac si de verbo ad verbum infererentur, præsentibus pro expressis habentes, illis aliàs in suo robore permansuris, hac vice duntaxat specialiter & expressè derogamus: Aut si impressoribus, librarijs, & mercatoribus præfatis vel quibusvis alijs, communiter vel diuisim ab Apostolica sit Sede indultum, quòd interdicti, suspendi, vel excommunicari non possint per literas Apostolicas non facientes plenam & expressam, ac de verbo ad verbum de indulto huiusmodi mentionem. Volumus autem & eadem autoritate decernimus præsentium literarum transcripta in ipsis Tomis impressa in iudicio & extra sufficere, & plenam fidem facere, regula contraria non obstante. Datum Romæ apud S. Petrum sub Annulo Piscatoris die XXIII. Septembris, M. D. LXIX. Pontificatus nostri anno quarto.

Cæ. Glorierius.

REVE.